

Donec ponam inimicos tuos, * scabellum pedum tuorum.

Virgam virtutis tuæ emittet Dóminus ex Sion : * dominare in medio inimicorum tuorum.

Tecum principium in die virtutis tuæ in splendoribus sanctorum : * ex útero ante luciferum genui te.

Juravit Dóminus, et non pœnitēbit eum : * Tu es sacerdos in ætérnum secundum ordinem Melchisedech.

Dóminus a dextris tuis, * confrēgit in die iræ suæ reges.

Judicabit in nationibus, implebit ruinas : * conquasabit capita in terra multorum.

De torrente in via bibet : * propterea exaltabit caput.

Psalmus 110.

CONFITEBOR tibi Dómine in toto corde meo : * in consilio justorum, et congregatione.

Magna ópera Dómini : * exquisita in omnes voluntates ejus.

Confessio et magnificentia opus ejus : * et justitia ejus manet in sæculum sæculi.

Memóriam fecit mirabilium suorum, & misericors et miserátor Dóminus : * escam dedit timētibus se.

Memor erit in sæculum testamēti sui : * virtutem óperum suorum annuntiabit populo suo :

Ut det illis hereditatem gentium : * ópera mánuum ejus veritas, et judicium.

Fidélia ómnia mandata ejus : & confirmata in sæculum sæculi, * facta in veritate et æquitate.

Redemptiónem misit populo suo : * mandavit in ætérnum testamētum suum.

Sanctum, et terribile nomen ejus : * iníitium sapiētiæ timor Dómini.

Intelléctus bonus ómnibus faciētibus eum : * laudatio ejus manet in sæculum sæculi.

Psalmus 111.

BEATUS vir, qui timet Dóminum : * in mandatis ejus volet nimis.

Potens in terra erit semen ejus : * generatio rectórum benedicétur.

Glória, et divitiæ in domo ejus : * et justitia ejus manet in sæculum sæculi.